

Sos agetivos possessivos

Possessive adjectives

Sos agetivos sunt paràulas chi descrient e chi tenent su còmputu de calificare, de indicare una calidade de unu nòmene, agiunghende informatziones in prus subra de su cussu nòmene. In inglesu pretzedit su nòmene mentres in sardu lu sighit.

Es.: **My** pen = Sa pinna **mia**. - **Your** dog = su cane **tou**.

INGLESU	SARDU	NOTA
my	meu-mia-mios-mias	
your	tou-tua-tuos- tuas	Si pronùntziat comente you're
his	Sou-sua-suos-suas (maschile)	
her	Sou-sua-suos-suas (feminile)	
its	Sou-sua-suos-suas (nèutru)	
our	nostru-nostra- nostras-nostros	
your	bostru-bostra - bostras-bostros	Si pronùntziat comente you're
their	issoro	

Sos agetivos possessivos:

- non mudant mai; sa forma abbarrat sa matessi pro maschile, feminile, singulare, plurale. (balet pro totus sos agetivos in inglesu)
- sunt semper prima de su nòmene
- non cherent mai s'articulu.
- pro sa de tres personas singulare cumandat su genere de chie possedit non de sa cosa chi si possedit. es. si sa pinna est de Antoni, in sardu naramus chi est *sa pinna sua* cuncordende su gènere de s'agetivu a sa cosa chi si possedit. In inglesu diamus nàrrere *his pen* cuncordende su gènere de s'agetivu a chie possedit sa cosa.